

■ COLUMNA

La mort dal scolast Gion

DA BRUNO BLOGG

In blogger sun jau, betg in bist static ed immovibel. Bloggar ha da far nagut cun bloccar, cuntrari. Il mund è sa midà, sa modernisà. Las novas pussaivladads communicativas lubeschan a mintgin da s'exprimer public, da far attent a l'atgna opiniun, da sa conversar cul mund preschent en la rait electronica, da muventar. Jau sun enconuschent sco Bruno Blogg e conversesch cun mes enconuschents e main enconuschents via facebook e twitter. Il status social da mia persuna sa manifestescha en il dumber d'amis. (Bainprest 500 das-tgel jau numnar dals mes.) Betg main impurtant il dumber da clics sin mes blogg e commentaris vers mias explicaziuns generalas davart la marca da mias chautschas sut, las preferenzas culinaricas da mes giat ed ils cussegls co tractar eglis-giazla. Ina buna part da mes temp terreste è digita-

lisada, jau in giuvnal persvadi da mes guru barmier, Steve Jobs. Cler che sias apparaturas appartegnan a mes equipament da basa, il i-pad, i-phon, i-pod, i-mac, i-cloud. L'apparatura lubescha da sa participar da tuttas uras al disput existenzial da la communitad globala. Online da di e da notg, sun jau i-hai.

Probabel il motiv che mes status actual è sa midà da maridà sin betg pli maridà. La purschida psicoanalitica en la rait è dentant gratuita e nundumbraivels forums tractan ils basegns e fastidis da l'um separà. Ils problems interhumans sa laschan tractar via la tastatura. Betg secunda ma sentel jau sulet u malchapì. Tschertgar in nova partenaria è natiralmain nagin problem cunzunt per mai. Jau Bruno Blogg das-tgel senz'auter exprimer d'appartegnair als singels cun niveau, a la tschertga da l'amur virtuala, per

tschella na hai deplorabla-main betg temp.

Schizunt la revoluziun spon ins persequitar via youtube. Senza ils meds da communicaziun na dessi betg pli revoltas. Datiers, datiers a la politica mundiala ed al destin dals maltractads da dictaturs e despots. Quai ch'è per mai nov e fascinant è per mes uffants normalitad. Els han diever da las pussaivladads tecnicas in bun tant pli luc. Da quai hai fatg stim d'acurt sin via cun auto al trenament da hockey cun mes figl e ses collega. Els han pri enta maun lur i-pons ed han cumenzà a giugar. «Lein dar in giug.» «Okay, tgi eis ti?» «Jeu sun il scolast Gieri.» «Bien pia, lu sun jeu il scolast Gion.» «Has in ratchetawerfer?» «Gie, e lu aunc in maschinagwehr.» «Ti stos laghegiar meglier cun tiu ratchetawerfer!» «Hey, ti has tuc mei!» «Ha, il scolast Gion ei liquidaus.»